

古典文學 第一名 江曉輝

個人簡介：清華大學中國文學系博士五年級

學士、碩士畢業於國立中山大學，香港僑生，曾獲獎項：

- (香港)第31屆青年文學獎徵文比賽新詩高級組亞軍及優異獎
- (香港)第32屆青年文學獎徵文比賽新詩高級組優異獎
- (香港)第33屆青年文學獎徵文比賽新詩高級組優異獎
- (香港)第34屆青年文學獎徵文比賽新詩高級組冠軍及優異獎
- (臺灣)第一屆「曉境雲聲」古典詩歌創作比賽七言律詩組第五名
- (臺灣)第17屆西子灣文學獎古典詩詞組貳獎
- (粵港澳臺)第3屆粵港澳臺大學生詩詞大賽詩組季軍
- (臺灣)第18屆西子灣文學獎古典詩詞組貳獎
- (臺灣)第19屆西子灣文學獎古典詩詞組參獎、現代詩組首獎
- (臺灣)第20屆西子灣文學獎古典詩詞組首獎
- (臺灣)第21屆西子灣文學獎古典詩詞組首獎、古典詞組參獎
- (臺灣)第29屆中興湖文學獎全國徵文比賽古典文學類第二名
- (臺灣)第30屆中興湖文學獎全國徵文比賽古典文學類第三名
- (臺灣)第31屆中興湖文學獎全國徵文比賽古典文學類第二名
- (臺灣)第32屆中興湖文學獎全國徵文比賽古典文學類第一名
- (臺灣)第33屆中興湖文學獎全國徵文比賽古典文學類第一名
- (臺灣)第34屆中興湖文學獎全國徵文比賽古典文學類第二名
- (臺灣)第35屆中興湖文學獎全國徵文比賽古典文學類第一名

蟲天六章

蠶

情天若無憾，生此蠢物何？無始時來業，問天壁難呵。探首苦求索，破蛹病已痾。
癡癡如有待，蠕蠕攀枝柯。日月但思服，春秋幾經過。殷勤飽桑葉，為吐素絲多。
抽絲竟作嫁，鸞鳳織綺羅。絲盡棄芻狗，欲飛不成蛾。何期抱愛焰，涅槃在娑婆。
空遺絲絲恨，天意每傾頗。死生久疲憊，愛怨難克荷。有情懸不解，諸佛著愁魔。
何如長自縛，素心殉其皤。繭中雙飛夢，纏綿渡劫波。

蛛

天意懸微命，一絲獨往還。往還通何處？幽明劫數間。兩頭繫今古，鈎牽織回環。
條理出八陣，大象衍連山。尊隆掛殿閣，卑賤結草菅。蝶夢無從越，鵬翼不容攔。
仰視青天色，羅網森九寰。中踞生殺士，晝暮守玄關。觸陷即啖噬，仙凡亦恫瘝。
同為吐絲者，奚爾性侵殘？抑爾承天命，予奪心非頑？萬類各有定，抉擇亦為艱。
嫋嫋蛛絲上，點點垂爛斑。斑斕非星露，乃爾淚泫潛。

蜚

離離野原上，群生處蒙戎。獨爾集糞矢，推轉猶自雄。或以蜚螂稱，或號聖甲蟲。彼意一何賤，此意一何崇。黔首墨者儔，胝足類老農。身俱塵土穢，行與天運同。推丸動星軌，杲杲日生東。諸神無顏色，得此光熊熊。黯黯文明古，破曉啟其蒙。神聖出卑下，大業豈不隆？糞矢藏其卵，如日生無窮。天德無遺物，糞有造化功。雲泥同淨穢，糞土開嫣紅。不聞聖所示，道在屎溺中？

註：古埃及人以蜚螂推轉糞球之行為如太陽之升沈起落，乃視為太陽神之象徵，故稱聖甲蟲。

蠹

隱几夜寂寥，枯眼迷書稿。頁間吹粉痕，喟然生懊惱。日月豈不榮？色香豈不好？萬物競天行，與世成功早。他皆務天然，攀飛花與草。嗟爾獨營營，生涯櫝中討。辛苦避傷殘，局促逃大造。棲處久陰沈，不見日光杲。虛飲墨一升，浪嚼梓與棗。小智測玄淵，隻字看成寶。咀嚼苦不深，虛妄求大道。碎裂古人言，功成蝨與蚤。死生累一書，微軀待枯槁。掩卷有餘哀，髮膚忽然老。

蛩

八月鳴在宇，九月入吾廬。唧唧來相告，慰我憂患餘。囊昔遊大野，騰躍逾崎嶇。或隱觸髓下，或宿在幽墟。新鬼安以酣，舊鬼閒亦疏。俱言得至樂，頗悔蹙其初。薤露朝復暮，蒿里寬且舒。馮生拘品第，一死無賢愚。紅顏成老病，日居還月諸。風霜今不害，四時可以娛。在世卷婁者，何處託形軀？洒然離大患，南面王不如。爾為幽冥使，爾來生者居。授我語唧唧，來為死者書。

蝶

託體碧叢上，潛形燕雀旁。破繭如出定，濡慥受晞陽。霞衣溢五彩，優游世外香。莊與蝴蝶與，得意未須詳。一花一生死，萬態固無常。辦開諸天界，蕊合九曜藏。駐觀成住壞，枯謝乃相忘。色香輪迴盡，高絕御風翔。鱗粉偶遺落，陶鑄帝與王。宇宙一夢耳，所礙非玄黃。翅展星雲麗，目射星宿煌。大構無所待，變化已堂堂。意欲外形骸，飛出齊物章。忽見幽明處，似有網開張。

人社院遠眺

秋緒秋光欲拒難，高樓遙覽客衣單。
雲橫雪嶺雪山山脈千峰靜，風引霜禽一喚寒。
大廓長空初上月，飄蕭仄影獨憑欄。
滿城燈火繁華外，立盡霞暉暮色殘。

生辰感懷

覓道空懸命，屠龍奈失時。
從知星暗淡，已悔夢迷離。

短褐聞風緊，長途驚馬疲。
亡羊同有憾，掛席未如期。
歲月摧花雨，時運打劫棋。
無情天莫問，三十四年癡。

卜算子

簟席怯疏涼，愁近穿針節。密雨輕雷獨倚窗，何處清秋月。輾轉強成眠，有憾無從說。夢外霖鈴夢裡聲，盡濕丁香結。

末法吟

《大般涅槃經》：「佛告迦葉：『我般涅槃七百歲後，是魔波旬漸當壞亂我之正法。譬如獵師身服法衣。魔王波旬亦復如是，作比丘像、比丘尼像、優婆塞像、優婆夷像，亦復化作須陀洹身，乃至化作阿羅漢身及佛色身。魔王以此有漏之形作無漏身，壞我正法。』」近日屢聞僧尼犯戒及媚附政權事，詩以刺之。

暮鼓沉沉日易昏，寒鴉老鴉巢山門。雲隙偶開月暈白，斜照竹花滿祇園。千年像法如走馬，蓮臺百拜誰尊者。一室紫燄騰青燈，三十三相金裝下。捨滅檀香換酒香，掌中檀那細端詳。花上胭脂傳密法，浪被山枕作道場。畫樑落塵細聞語，蛛網欲抱粉蛾住。蒲團座熱盤毒蛇，魔眷倚眠菩提樹。重描寶相日熹微，早課語錄吐珠璣。六欲天宮風獵獵，袈裟裂作紅旗飛。